

重修隆平縣志卷壹

重修隆平縣志序



古者輶軒鷺羽總知四方治忽以



詔於王朝而頒之政事典冊明文披簡如在一方之吏治民情山川土田古今興廢之故一展卷而燦若列星皆於志乎取之隆平舊志創自前明崇禎年間至今百有餘年朽蠹之餘傳聞異詞幾不可考余受事之初不遑將事越三年奉檄開渠求所初蓄洩之方旱潦之備按冊以求而端緒茫不可得乃遍歷高下原濕周覽地勢博觀輿情略得其大概連歲來五穀時熟民氣以和乃謀之學博李君性香王君荆庵偕邑之紳士相與經紀其事章程粗具將次就役維時

制府方公奉

天子詔偕宮保阿公少宰裘公查

勘河道會同監司公郡伯

鄭公司馬宋公刺史金公周

行郡縣駐紮隆邑爰命文渙取志

書以進見殘編斷簡漫漶不可考

因令亟加修輯以存掌故是歲冬

乃徵集諸書悉心編校分別十門

此事屬詞次第成帙閱數月而書

成凡疆域之廣袤財賦之盈虛戶

口之登耗禮樂制度之修廢文章

節義之盛衰搜訪補葺務祈犁然

畢具而又懼其華而不寔質而鮮

當也詳慎以紀事博採以徵寔俾

百十餘年之文物典章於茲稍備

藉以仰承

德意而謗劣不文多所挂漏以繼先  
民著作則不能無憾焉他日觀風  
問俗輶軒所至式採而擇之則區  
區補綴亦官期土者報政之一端  
也是為序

乾隆二十九年甲申歲仲秋之上浣  
穀旦

特授文林郎知隆平縣事加一級紀  
錄六次又記功二次崇仁袁文渙書  
重修隆平縣志後序

隆平為禹貢大陸澤故地無名山  
巨鎮四望皆平疇大野是以得名  
我


國朝雍正二年乃更隸為趙州屬邑  
夫邑必有志山川風土文物典章  
其間興廢沿革之故胥於是乎在

舊志創於前明萬歷年間至崇禎  
二年邑令陳公所學曾續修之自  
是以來書缺有間而採風問俗幾  
無所藉亦官斯土者之責也余從  
兄約軒自己卯冬來蒞茲邑披閱  
故志見遺編斷簡引為已憂而縣  
治又介於任邑寧晉南北二洎之  
間為衆流所委注比年水潦偏災  
勞不得息盖有志焉而未逮也癸  
未秋始捐貲倡修邑之縉紳士庶  
咸樂從之遂延鄉考廉同年江君  
懋田董其事經始於癸未之冬告  
成於甲申之秋維時余以假省歸  
里路過隆平吾兄出其志稿一帙  
屬以一言為殿余展讀再三其發  
凡起例倣古陸清獻公靈壽志分

列十門每門冠以小引間增論說  
畧其所不可知詳其所可知計自  
前明至今中間歷年一百三十有  
五更邑宰者三十四人而廢修墜  
舉考獻稽文一時信史之傳得於  
吾兄之手訂者為不尠矣蓋自吾  
兄令隆五載以來修舉義學開濬  
溝渠崇實黜浮摩畫利弊凡所以  
為士習民生計者靡不慮忝厥職  
為兢兢則邑人士所共見聞邑乘  
之修特為政之一端也於是乎書  
時

乾隆二十九年歲在甲申秋九月  
之吉  
文林郎內閣撰文中書舍人兼管  
內府中書科事務加一級袁文邵

拜撰牙書



縣志舊叙崇禎二年

邑令陳所學太湖

粵稽書敘九丘詩陳列國猶今所稱郡邑志也當時太史采之用以正得失昭勸懲而一代之史犁然畢具蓋分之為志合之為史則邑志之必不可廢從來遠矣隆志自神廟戊子令君林纂輯後至今四十餘年時遠事湮若滅若沒幾不可復識縉紳父老及諸文學憂之造余言曰今聖人御宇世運聿昌廢脩墜舉功令煌煌曾是邑乘鉅典而不為釐正可乎况夫時際休明文獻缺畧甚非所以承昌運昭往憲來也維子大夫圖之予曰唯唯否否夫吏人職吏事耳頃主上聖神宗核名實簿書小吏方惴惴救過不給何暇論繩墨之外雖然余實有責焉夫余既承乏茲土而名公巨卿之勲猷不著孝友嫻睦之善行不傳政事之得失風俗之醇澆與戶口財賦之繁耗不備是余罪也諸君子生長於斯曷出所記憶筆之毋泛毋畧毋徇所請毋暱所思共偕大道以光昭鉅典俾余藉手襄事得效尺寸於吏事外乎則所厚望於諸君子者時諸文學趙生煜等毅然任之各筆所記憶請校余三讓不敏不可得於是乃踵前志續葺之凡兩越

月而書成昔荀仲豫稱志有五義缺一不可余何  
敢望惟是詮次舊聞羅列往事以毋致愆忘異日  
者天子為國家圖不朽令太史采風問俗而博求  
故實庶一邑之文獻為有徵耳先是司寇郎趙公  
奉命恤陝歸里中言之甚悉頃從都中為敘弁諸  
首矣事竣聊識其顛末若此

縣志原敘崇禎二年

主事趙 炯邑人

夫縣之有志亦猶夫國之有乘也國無乘則一代之因革山川之流峙人文之盛衰風俗之美惡與夫忠臣孝子義夫節婦迨水旱盜賊之變茫無所考是以先王採風問俗集郡邑志彙成一代之史一披帙而曉然於天下者良有以也余邑雖彈丸地然在漢封拜則有任侯教五代秉鈞則有符氏父子弟兄而鄭君贊道王君贊各以名才樹勲本朝英豪輩出地且以人重矣至宋元兵火殘之黎元幾盡迨我國家列聖相承培養日久聲名文物熙然蔚然藉令文獻不備又何以紀往事而詔來茲乎矧萬歷戊子林侯纂修後垂今幾五十年所時移世易其間忠孝節義不無湮沒水旱禔祥不無缺畧人文漸盛則有事業之可紀風俗日靡則有紛華之當禁至於字畫剝落多亥豕魯魚之訛編次失倫貽掛一漏萬之誚則今日者又釐舊更新之一會也幸我邑侯陳公以大方宿儒來牧吾邑剔蠹釐奸刑清政簡凡所厝畫悉根真心實意中流出其循蹟俱在民口碑間三年課最後縉紳暨青衿士舉修志懇公再四公乃始任之因以採

集責余兄煜而較其煩簡正其得失悉出公手志  
成索敘於余余方以虜患奉命督餉朝夕拮据不  
暇敘又不敢不叙以紀其事是役也公暨林侯輝  
映後先其造於吾邑豈淺鮮哉當於國乘並垂不  
朽矣是為敘

隆平縣志同修姓氏

纂修

知隆平縣 事袁文煥 崇仁

參閱

諭李廷對 蔚州

訓 導王 璽 正定

較梓

史何兆玉 會稽

典

編次

甲辰科進士岳生夔 邑人

丙午科舉人李青巖

戊午科舉人曹禹勳

辛酉科舉人張令偁

考訂

恩 貢 生 趙良兆

恩 貢 生 蕭先難

拔 貢 生 張懷仁

拔 貢 生 鞏澄心

廩

生

生

經理

戊午

科舉

人宋湯駿

癸酉科舉

人宋天成

附貢

生董鳳舉

候選千

總李有容

廩

生屈應時

生

員趙文炬

歲

貢

生閻天祥

協修

廩

生張前範

增

生趙森

增

生武士立

生

員王之賓

生

員趙天桂

采訪

附

貢

生張係

增

貢

生楊克果

監 監 監 監 監

監 生 生 生 生 生 生 生 生 生

生 曹 沅  
生 岳 祖 武  
生 鞏 存 心  
生 曹 步 午  
生 鞏 元 掄

員 董 瞻 雲  
員 武 炳 文  
員 程 銑 龍  
員 閻 元 報  
員 鞏 德 基  
員 國 必 芳  
員 李 俊  
員 盧 希 聖  
員 蘇 永 清  
生 國 旭 瞻

隆平縣志

凡例

一舊志創於明萬歷年間前令林公天秩繼修於崇禎年間陳公所學皆意主於修明然寥寥篇幅不全不備屈今百有餘年未經纂葺撫茲殘卷大費躊躇茲采輯諸書博參史傳拾遺補闕考其信而有徵者著之於篇雖悉心編摩未敢信其詳備然於邑之文獻則不無少補云

一作志分綱立目此定例也陸清獻公靈壽縣志分為十門每門立小序又加論於其後茲志分門仍冠小引間立論說或以其事理參差今昔頓殊不得不條析斟酌也

一舊志分九門義例錯雜今仿靈壽志分別十門紀事徵實依類附入令循覽者如親指掌焉

一舊志分野沿革河渠人物志內落落數行頗多殘闕今博採增入者十之八九然尚懼搜羅未廣不免罅漏

一舊志無封爵今按畿輔通志所載烏氏侯賀廣阿侯任教皆封爵於此土者也靈壽縣志以封爵冠師之首茲志從之

一舊志選舉內牽入孝義遺逸節婦又次遺逸於節婦之後非志體也今悉正之

一舊志學校祠祀僅載寢廟基址今改入建置內其增學校典禮二編皆舊志所未有也

一隆邑地衍民勤而苦於水患故於河渠辨論獨詳今蒞斯土者得所依據以重加經畫焉

一田賦志內止就現在徵收例額逐條載入其歷年增減裁復並詳賦役全書茲不悉載

一

聖諭廣訓他志多不具載惟恐鄉曲寒畯家無藏書因

謹錄之以備觀省亦風教之一助云

一武備前志未及自雍正二年設外委委一員今附志於官師

一人物分類紀載原本作史之例舊志雖分而類敘不合今旁採諸志論其行事參以見聞斟酌分別以次序列其德行道藝雖同類之中亦有美善之分焉

一官師人物內有嘉言懿行確然可據者採擇書之惟現在之人應俟後之論定

一名宦政蹟舊志止存俾文一二其德政可傳者

即於官師志內紀其梗概以志不謾

一藝文志無關於地方人物及詞不雅馴者概置  
不錄